



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10148

Պ. ԲՈՐՅՈՐԻԿԻՆ

ԴԱԺԱՆ ՕՐԵՐ

ԹԱՐԳ. ԱՐՄԷՆ ԱՐՄԷՆԵԱՆ

ԽՈՍԿՈՒՍ.

ՏՊԱՐԱՆ Բ. ԲԱՐՊՈՒԴԱՐԵԱՆԻ
1907

891.71
Բ-77

891.71
Բ-77
ււյ.

21 JUL 2008

NOV 2010

Գ. ԲՅՐԻՆԻՆ

ԴԱԺԱՆ ՕՐԵՐ

ԹԱՐԳ. ԱՐՄԷՆ ԱՐՄԷՆԵՍՆ

Մ Ո Ս Կ Ո Ւ Ա.

ՏՊԱՐԱՆ Բ. ԲԱՐԽՈՒԴԱՐԵԱՆԻ
1907

05.03.2013

10140

Типографія Х. Бархударянцъ, Срѣтенка, Мясной пер., д. Бѣляева.



2328-54

ԴԱԺԱՆ ՕՐԵՐ

ՀԱՅ ՄԱՅՐԵՐԻՆ

ՄՕՐ ՅԻՇԱՏԱԿԱՐԱՆԻՑ:

ՆՈՒԻՐՈՒՄ Ե ԹԱՐԳՄԱՆՆԵՐ.

Երեկոյեան՝ Դունեան, արտասուքն աչքերին, մտաւ ինձ մօտ՝ ընդունարանը:

Ես մենակ էի և նոր էի սկսել թէյ խմել: Ամուսինս տանը չէր: Երեխաները իրանց սենեակներում զբաղուած էին դասերով:

— Տիկին, ի՞նչ անենք, ի՞նչ անենք:

Նա մինչև հիմա էլ աւելի շինական է, քան քաղաքային: Նա Վլադիմիրսկի նահանգի գեղջիուհի է: Բարեսիրտ է, բայց բթամիտ, գռեհիկ, շարժուածքը դանդաղ յիշողութիւնը վատ, խօսում է զիւղական սձով և իրանց յատուկ՝ ժողովրդական լեզուով: Տանը՝ զիւղացիների հետ գերաններ է սղղոյցել:

— Ի՞նչ է պատահել Դունեա:

— Այն աիկին... Խոհարարուհու մօտ եկել են իւր ընկերները: Ուսանողներ... Գործադուլ անողներ... Արհեստաւորներ... Տնէց տուն ման են գալիս... ծառաներին հանում են:

— Ի՞նչպէս թէ հանում են: Ես իսկոյն Հասկացայ:

— Այո՛րնքն... Սպանում են... Իբր՝ քանի զեռ կենդանի ես դուրս եկ, պէտք է ամենքն էլ գործադուլ անեն: Օրական էլ երեսուն կոպէկ կտանաւ:

— Ախր, այդ զրանդ:

— Ամեն տեղ, տիկին... Ասում են Եսուղայի միւս կողմիցն են սկսել:

Եւ նա հեկեկաց:

— Ախր ո՞ւր գնամ... Երեսուն կոպէկ... Դէ, ի՞նչ իմանաս թէ էն էլ կտան, թէ չեն տալ: Ախր զիւղն ի՞նչով գնամ: Իսկի չես էլ կարող գնալ: Սյուսը վերջին ճանապարհն էլ զործադուլ արաւ: Ուսանողները երկիւղ են գցել...

«Ուսանող» խօսքը արտասանելիս՝ նրա ձայնը փոքրում էր:

Սյո նրա համար աւագակի կամ թալանողի պէս մի բան է: «Ուսանող» խօսքի հետ էլ անբաժան՝ առաջ է գալիս «Չհուգ» խօսքը:

Խոհանոցում արդէն կրկնում են այդ հրէշային լուրը և ամենքն էլ հաւատում են նրան՝ իբր թէ՛ տեսէք, ուսանողները և Չհուգները կամենում են մեզ ճորտութեան դարձնել և այդ պատճառով աղաները գէպի նրանց ներողամիտ են:

Տէր Աստուած, ի՞նչ անյատակ անդունդ է՞ ժողովրդային խաւարի և մտաւոր աղքատութեան:

Բայց ո՞վ է մեղաւոր: Մի՞թէ մենք ամե՞նքս:

Շատ կարելի է... Մինչևանգամ հաւանական է, եթէ ոչ միայն մենք, այլ և մենք:

Ո՞վ մեղանից հոգով նախանձախնդիր եղաւ մութ մասաները լուսաւորելու:

Միայն պրօֆէսսորնալ մարդիկ, ժողովրդական վարժապետները և վարժուհիները:

Ահա ես համարում եմ մարդասէր, յառաջագէժ կին, ես՝ նախկին ուսանողուհիս կողմնակից եմ ամենայն իրաւունքների և ազատութեան:

Բայց և այսպէս՝ ես «տիկին» եմ... Ես սիրում եմ զիւղը, ամենայն ամառ գնում եմ մեր ագարակը, արտասուալից սրտով խղճում եմ գեղջկուհիներին, երեխաներին և առ հասարակ բոլորին, ցաւում եմ, որ նրանք մնացել են աղքատութեան, մթութեան, ցեխի, անօգնութեան և սարսափելի հիւանդութիւնների մէջ: Նրանց

բժշկում եմ հրապուրանքով և, չըւարելով այն հանգամանքից, որ ես մի քիչ բարձր եմ «Չաղուբազներից», բայց և այսպէս ես հոգով վստահ չեմ նրանց, եթէ ոչ կուլտուրական, գոնէ հոգեկան «վերածնութեան»:

Զե՞ որ մեզ մօտ զիւղում, որի մէջ հազար-հինգ հարիւր հոգի կայ, դուք չէք գտնիլ մի անգրագէտ զեղջկուհի, (առնեք պառաւները անգրագէտ են) որ պատասխանէր գէթ այնպիսի մի հարցի, որ զուրկ չլինի քրիստոնէական կրօնի բովանդակութիւնից, որ գոնէ Աւետարանից, կամ «Գործք առաքելոց» ից հական մի բան հասկանար, որ կարողանար մտացածին ասէր «ճայր մեր» ը, կամ «Նաւատոյ հանգանակը» կամ կարողանար հասկանալ թէ ի՞նչ ասել է «Եւ ընդ Քերովէս» և վերջապէս, որ համ զուած չլինի թէ «Խնդա Կոյս» ը մի խօսք չէ կազմում, որ մի էութեան անուն չէ, իբրև թէ «խնդակոյս»:

Բայց տես, որ ես այժմ տրանջում եմ Դունեայի և խոհարարուհի Պաշայի վայրենի գողափարների վրայ: Ախր նրանք զեղջկուհիներ են, զիւղի հօան են, որտեղ սուրբ Նաստասիային (կամ մի այլ սրբուհու), ժողովրդի մէջ անուանում են «հաւի աստուած», իսկ Փրոյլային և Լաւրային դարձրել են կռապաշտական աստուածներ և համարել են ձիերի ցեղի հովանաւորողներ:

Եւ ահա հասել է հատուցման րոպէն:

Ճառան ամենքիս համար (մինչևանգամ բարի և ռամկավարական տրամադրուածներիս) ինչ որ օտարօտի է դարձել, համարեա թէ մեքենայական, ճիշտ «Աւտոմատ» բուֆետի մէջ զանուած մեքենայի նման, որ զրոյի բաժանմունքներով առաջ է բերում թիքաներ և բաժակներն ու գաւաթները լցնում զինով ու դարե՛ջրով:

Մի՞թէ մենք եղբայրներ ու քոյրեր ենք: Կամ նրանց հետ հաւասար իրաւունքներով քաղաքացիներ ենք: Եւ կամ նրանց հետ «ընկերներ» ենք, ինչպէս զօչում են սոցիալ-դեմոկրատները՝ վառուած բանուորական համերաշխութեան զգացմունքով:

Մենք նրանց համար միևնոյն «տէրերն» ենք, այսինքն՝ կապիտալի միևնոյն ներկայացուցիչները, ոչ լաւ՝ «աղա»

վաճառականներից ու գործարանատէրիւրից:

Ներկայ ժամանակի համեմատ՝ նրանց դրութիւնը աւելի ծանր է, քան գործարանական «պրօլետար»-ի, որոնք կարողացան միանալ և պաշտպանել իրանց պահանջները: — Դունես, սեղանը պատրաստեցէք... Դունես, այս դուրս բերէք, այն շուտով հասցրէք... Չհանուէք, ու մեզ սպասեցէք մինչև ժամի 4-ը: Առաւօտեան ժամի 6-ն վեր կացէք: Չհամարձակուէք հիւրեր ընդունելու: Տնից կարող էք հեռանալ շաբաթը մի անգամ, այն էլ պիտի վերադառնաք ժամը 10-ից առաջ:

Ութ ժամուայ աշխատանք.— սա բանուորների պիտեան զլխաւոր պահանջն է:

Բայց մեր ծառան... քանի՞ ժամ է նա ոտքի վրայ լինում: Նա ապրում է «ասածի» նման՝ «ոչ գործ կատարիր, ոչ էլ գործից փախիր»: Երևի տասնուվեց ժամ:

Սրտասահմանում, երբ էս ջրերն էի դնացել զերմանական մի լրագրի մէջ կարգացի, որ Սկանդինաւիայի նշանաւոր գրողը՝ Բրիտանիէ քաղաքում մի սրճարանի սպասաւորի՝ մի օր ու զիշեր ժամանակով տուել է «պաղօմետր» ր, այսինքն քայլերի չափը ցոյց տուող ժամացոյցը:

Նա մի օր ու զիշերուայ մէջ անցել էր տասն ու հինգ հազար քայլ: Իսկ տասնու հինգ հազար քայլը մի կիլոմետր է, ուրեմն մեր չափով աւելի քան վաթսուն վերստ:

Եւ սա մի փոքրիկ պետութեան մայրաքաղաքի սրճարանում: Բայց ի՞նչ կանէ նա՝ պարիզում՝ «Café Riche» կամ «Café de la Paix» սրճարաններում:

Չէ՞ որ իմ ամուսինն էլ մարդասէր մարդ է և պաշտպանում է «գեմնիքատիական պրատիստման» բայց օրերումըս նա պարզապէս, զարշանքով ու հեզնութեամբ պատմում էր թէ ինչպէս Պետերբուրգում՝ Անդրիական ակմբանոցում սպասաւորները բեխերի պատճառով գործադուլ են արել:

Չէ՞ որ, աղայական տներում և առաջնակարգ ակմբանոցներում, սպասաւորները պէտք է սափրեն՝ թէ երեսները և թէ բեխերը: Իսկ այդտեղ երկու համարձակները ներկայացել են բեխերով: Այդ ընդմիջին ակմբանոցի բոլոր

«gros donnets» ղայրացիլ են և խեղճն խիստ հրաման է տրուել «բեխերը սափրելու», բայց սպասաւորները պատասխանի տեղ in corpore գործադուլ են արել:

Եւ բոլոր բարձրաստիճան պարոնները, գեներալ-աղիտանները, պետական խորհրդի անդամները, դեսպանները, սենատորները, իշխաններն ու կոմսերը և պալատական զանազան աստիճանի ծառայողները մնացել են խառնիշըփոթ դրութեան մէջ:

Ի՞նչ անել... Մնում էր, որ իրանք, բեխերը սափրելով, (բայց չէ՞ որ բեխերը պարտաւորուած սեպհականութիւն է ամեն մի պալատականի, թէկուզ արք պետականի համար) և Ֆրակ հազնելով, հերթով ծառայեն իրանց՝ ակմբային ընկերներին. ամաններ փոխեն, կողէկ մատուցանեն, անձեռոցով սրբեն յատակի վրայ թափուած սելտերեան ջուրը:

Չուարձալի տեսարան կլինէր:

Իէ, այդպէս կարող է պատահել մեզ՝ բոլոր «աղաներիս» հետ:— կամ այսօր, կամ վաղը:

Մեր սպասաւորը— Բօլեսլաւը, ինչպէս լեհացի, ոչ մի դէպքում մնացեալ ծառաների հետ չի յարմարում: Այսօր նա ինձ մտերմաբար հաղորդեց միւլենոյն բանը, ինչ որ ասել էր Դունեսան:

— Ձերդ գերազանցութիւն, ուսանողները ման են դալխ բնակարանները ու ծառայողներին դուրս են հանում:

— Ես լսել եմ, Բօլեսլաւ:

— Ես նրանց ցոյց կտայի, թէ ինչպէս պիտի խոռովեցնել ժողովրդին: Մենք ձեզանից լիովին դո՛հ ենք: Ես նրանցից հօ չեմ վախում, բայց կանայք լաց են լինում... Նրանց կարելի է վախեցնել...

Այդ սպասաւորը աղքատացած ու անյայտութեան մէջ ընկած ազնուականներից էր: Եւ նրա հողին դեռ մնացել էր «աղայական»: Նա սարի նման կանգնած էր տիրող կարգերի համար: Թէպէտ նա ուսանելին չէր սիրում, բայց մեզ— աղաներիս աւելի մօտիկ էր քան ծառաներին:

Երկու կանայքն էլ— աղախինը և խոհարարուհին ատում են նրան և կարծեմ երգուել են «քաշ դցել» նրան:

Այդպէս էլ նա է նրանց հատուցանում և ես վախում եմ չլինի թէ վերջը առաջ գայ մի արիւնտ ընդհարում:

Օգի մէջն էլ «գործադուլներ» են: Իմ երեխաները՝ Մանեան և Վօլօդեան ահա քանի ժամանակ է սկսել են խօսք տալ ինձ հետ մտերմաբար խօսելուց:

Մանեան թէպէտ տասնուչորս տարեկան է, բայց նա արդէն մեծ աղջիկ է երեւում: Նա մինչև վերջին ժամանակն էլ ամեն բան «սերտող» է, բնաւորութեամբ քրնքոյշ է, մարմնով ու սրտով էլ ճրկուն: Ընդհանրապէս նրանից ստացած տպաւորութիւնը ախորժելի է: Նա ստանում էր լաւ թուանշաններ, ընկերուհիներից սիրուած էր՝ սիրով էլ յարմարւում էր զպրոցական «պետական» կանոններին, և շատ երբեմն էր ծիծաղում վերակացուհիների կամ նոյն իսկ տեսուչու վրայ:

Այժմ նրա մէջ նկատւում է մի տեսակ յուզմունք: Նա դառել է ծածկամիտ, իսկ եթէ մի բան ասէ, այն էլ կլինի մի խառնուրդ:

Ինքն ու եղբայրը սկսել են ինչ որ բանի համար փրփտալ: Բայց երբ ես ներս եմ մտնում, նրանք կամ լռում են կամ փոխում են խօսակցութիւնը:

Շատ յաճախ պատահում եմ նրանց հայեացքներին, որոնք ձրգում են ինձ վրայ՝ իհարկէ ոչ ուղղակի, այլ ծուռ կերպով: Ես այդ հայեացքների միտքը կարողացայ կարդալ:

«Իէ, մայրիկ, հիմա մենք կտեսնենք թէ՛ դու և հայրիկը ի՞նչպէս պիտի պահէք ձեզ: Օգի մէջ ուրիշ հոտ է գալիս: Մենք ևս «քաղաքացիներ» ենք և ոչ «տղաներ» ու «աղջիկներ»: Ահա հիմա մենք կտեսնենք թէ՛ դու ի՞նչ պէս կվերաբերուիս թէ՛ դէպի մեր աւաօնօմիան թէ՛ դէպի մեր պլատֆորման:

Ուղղակի այդ խօսքերն են նրանց հայեացքներում:

Աւաօնօմիա:

Ես նրանց երբէք չեմ կշտամբել: Նրանք վաղուց սովորել են ընդունել մեզ՝ երկուսիս՝ և մանաւանդ իրանց մօրը, իբրև ընկերների և ոչ իշխանաւորների կամ տնային վերակացուների ու սանձահարողների:

Ուսումնարան գնալով, նրանք մեզանից չեն հեռացել, ընդհակառակն աւելի մօտեցել են: Որովհետև ինչ էլ որ նրանք այնպեղ քաշել են, ինչքան էլ ծանր բան են տեսել իրանց իշխանաւորների և կամ ընկերների մէջ, տանը միշտ հանդստացել են:

Այժմ իմ ամենամեծ պարզէն այդ պատասխանն էր. և այդ այն բոլոր հոգսերի և մտքերի փոխարէն, որ ես մտցրել եմ նրանց հոգեկան կեանքի մէջ:

Հիմա էլ երեւի դիմազկան բռնում է նրանց: Նրանք ոյժ են զգացել իրանց մեծութեան և իրանց «վեհաժողով»ի մէջ:

Երէկ Մանեան եղբօր հետ խօսակցութիւն ունենալուց յետոյ, փափուկ շրթունքներից թօցրեց.

— Մենք կամենում ենք Լիզկային վեր քաշել:

— Ո՞վ է այդ Լիզկան, հարցրի ես:

— Վերակացուհին— Ելիզաւետա Մատվէեվնան:

Ես լռեցի, բայց Վօլօդեան ծիծաղեց:

«Վեր քաշել» բոլորովին նոր գործուածք է: Դա նման է ռուսական այն թարգմանութեան, որին ռուսանոյնները Պարիզում՝ անուանում են «Conspuer en tel»:

II

Տէր Աստուած, ինչպէս ամեն բան արագութեամբ քանդուում է:

Ի՞նչ է կատարւում քաղաքում, մենք չենք տեսնում, այլ դիտենք միմիայն ինչպէս լուրեր, այն էլ մէկը միւսից սարսափելի: Մենք արդէն նստած ենք առանց լրագրի: Շուտով էլ ոչ լոյս կլինի, ոչ ջուր, ոչ միս, ոչ կաթը: Եթէ ոչ այսօր, վաղն էլ մեզ կանջատեն ամբողջ Ռուսաստանից: Ոչ մի ճանապարհ էլ չի լինելու:

Մօտենում է ինչ որ անողոր—տարերային և յազմական բան: Դա աւելի ուժեղ է քան բունթը, աւերումը և փողոցային անկարգութիւնները:

Զրկել շարժուելու կարողութիւնից, ստիպել ապրել ինչպէս պաշարուած բերդի մէջ և սպասել...

Եւ մեզ երկուսիս՝ թէ իմ և թէ ամուսնուս մէջ՝ այդ յուզմունքը առաջ է բերել մի շարք հասկասական գաղափարներ, զգացմունքներ, տրամադրութիւններ, բողոքներ և երկիւղներ:

Ի՞նչ մեզումեզ խաբե՞նք: Սյո՛, երկիւղ:

Ինձ համար—շատ ծանր կլինի կասկածել որ և է յանցանքի մէջ իմ երեխաների հօրը—մի մարդու, որի հետ ես կապել եմ իմ վիճակը: Մենք ամուսնացել ենք սիրահարուելով: Եւ մինչև օրս մեր մէջ մի այնպիսի տարածայնութիւն չի եղել, որ հիմնուած լինի որ և է սկզբբունքի վրայ: Առաջ էլ պատահել է, որ ամուսինս խօսել է չհաւատացողի ձևով:

Երեխաները կրթելու մէջ՝ նա ինձանից խիստ է: Նա զըլ խաւորապէս ճգնել է, որ երեխաները հեռու մնան զանազան ձևի կապիւթիւնից, երամական յափշտակութիւնից և «թութակային» շողակրատութիւնից:

Նա ամենեւին չի յափշտակում այն նորագոյն դէպքերի բանկումով, որ սկսել է տիրել մեր դպրոցներին՝ թէ բարձրին, թէ միջնակարգին: Երէկ՝ ուսանողական անկարգութիւնների մասին խօսելիս, նա ասաց.

—Սյդ ուսանողուկները երեւակայում են իրանց դիկտատորներ: Երկու—երեք օր էլ, որ անցնի, նրանք Մոխովայա փողոցում կկազմեն հասարակական փրկութեան կոմիտէ:

—Իրա նման մի ինչ որ բան կայ. նկատեցի ես:

—Հոգով մինչև հիմա էլ ես ինձ ուսանող եմ համարում: Բայց ամեն ինչին սահման կայ: Նրանք ի՞նչ են կամենում անել մեր alma mater-ի հետ: Մի յեղափոխական օթեւան:

—Ձէ մի՛ օթեւան... Ընդհատեցի ես:

—Հապա ի՞նչ: Երկուսից մէկը. կամ պէտք է համալսարանական զիտութեան որդեգիրը լինել, կամ սովորական քաղաքային բնակիչներ: Ել ի՞նչու համար ուսանող դռնալը նշանազգեստը հագնել և աւտոնոմիայի ձգտել: Միայն նրա համար, որ այսպիսի վճիռ կայացնեն: «Լեկցիաները», յամենայն դէպս, մենք համաձայն ենք լսելու, բայց պահանջում ենք, որ համալսարանը զոյութիւն ունենայ աւելի շուտ յեղափոխական պրոպագանդի համար:

—Ի՞նչ արած, որ ընդհանուր ոգին այդպէս է:

—Բայց այդ մահ է ամեն զիտութեան և աղաքամիական աղատութեան:

Ես ժպտացի:

—Գիտութեան մասին ո՞վ է մտածում. հարցրի ես: Եւ ո՞վ է մեղաւոր, որ ուսանողները և զիմնազիւյի աշակերտները բռնկուած են այդ հասանքով:

—Ի՞նչի հոսանքով:

—Յեղափոխական: Խօսքից չպիտի վախենք: Միևնոյն հոսանքով, որ այժմ անցնում է ամբողջ Ռուսաստանի երեսով:

—Ո՞վ է մեղաւորը: Համարեա զայրացած բացականչեց ամուսինս:

—Իշխանութիւնը: Սարսափելի «փորակերներ»ը, ինչպէս անուանում են զիմնազիւյի աշակերտները: Փթած կողմի ստրուկները: Յետոյ մենք՝ բոլորս:

—Մենք՝ ո՞վ. աւելի կըքով դռուց նա:

—Մենք—ծնողներս... Հայրեր և մայրեր:

Մենք չկարողացանք հին սխտեմը փոխել: Միայն այժմ են մեզ թոյլ տալիս խորհրդների մասնակցել:

—Մենք մեղաւոր ենք, եթէ մեր որդիքը մանկով համալսարաններ, կամ ուրիշ բարձրագոյն դպրոցներ, արդէն պատրաստ են...

—Պատրաստ են: Ի՞նչի:

—Յեղափոխական շարժումների: Սյդ մեր սնանկութիւնն է: Սյնպէս, ինչպէս և իրանց տեսչութեանը: Եւ իսկապէս մեր երեխաները՝ այստեղ տանը՝ ի՞նչ կարող են սովորել, երբ նրանք լսում են մեծերի խօսակցութիւնը և մինչևանգամ մասնակցում նրանց:

—Ոչ մի ժամանակ էլ ես ոչ մի բան չեմ քարոզել: Ոչ մի ժամանակ ես այն կարծիքի չեմ եղել թէ՛ համալսարանը պէտք է դառնայ հասարակական միտինդների վայր:

—Բայց նրանք տեսում ու հասկանում էին, որ դու և ես մեռնող ըրժիմը ընդունում էինք զայրոյթի արժանի: Մեր լեզուն չափաւոր էր, բայց և իրողութիւնը յեղափոխական էր: Եւ ահա պէտք է մենք դրա համար հատու-

ցանկեր և... Ամուսինս ընդհատեց ինձ ու ասաց:

— Ի՞նչ պիտի ասացիր... Մի տեսակ չարախնդութեամբ:

— Չգիտեմ: Բայց ինձ համար այս պարզ է. հատուցման օրը հասել է:

— Ինչո՞ւ համար, ի սէր Աստուծոյ. գոչեց նա:

— Երկիրեսութեան համար: Նրա համար, որ մենք մեզ երեւակայում ենք արմատականներ, մինչևանգամ յեղափոխականներ, բայց ապրում ենք ինչպէս բուրժուա և ինչպէս անհաւասարութեան, կապիտալիզմի և աշխատաւոր դասի ստրկացման կողմնակիցներ:

— Մե՞նք, քեզ հե՞տ:

— Այո՛, այո՛:

Ես սաստիկ զրգուցեցի և դուցէ աւելի ուժեղ առաջ դնայի, բայց այդ բոպէին Դունեան ներս մտաւ ու երկու պցետումն տուաւ:

— Իրանք օրիորդներ են, խնդրում են իսկոյն ընդունել. ասաց նա:

Մի պցետումսի վրայ ես տեսայ ինձ ծանօթ անուն. Սպիրիդոնովա:

Ի՞նչ ուսանողուհի է, դաւանային է, իմ ընկերուհու ազգականն է: Անցեալ տարի նա ինձ մօտ եղել է երկու անգամ: Գեղեցիկ, տաքարիւն աղջիկ է, կարծեմ սոցիալ-դեմօկրատ է:

Միւս ազգանունն ինձ համար բոլորովին անծանօթ էր:

Ամուսնոյս հետ մենք վիճում էինք իմ բանուորական սենեակում:

— Երկու ուսանողուհի են եկել ինձ մօտ, կարող եմ ես նրանց պատեղ ընդունել:

— Խնդրեմ, ես չեմ խանգարելու:

— Ես քեզ չեմ հեռացնում, դուցէ քեզ էլ հետաքրքիր լինի:

Նա ոչինչ չպատասխանեց, բայց նստեց և սկսեց ծխել:

— Դունեա, այդ օրիորդներին խնդրեցէք այստեղ:

Առաջինը մտաւ Սպիրիդոնովան: Նա բարձրահասակ էր, վայելուչ կազմուածքով, թխահեր, ամբողջովին սև ու նոր տարազով կարած հագուստի մէջ: Նրա յետեւից

մտաւ իւր ընկերուհին—ազգանունը Սամկատովա. ազեղ, կարճ մազերով, ակնոցներով—ուսանողուհու տիպար, որի նմանը իմ ժամանակներն էլ կային, հագնուած է աղքատ և անփթութեամբ:

Նրանց պցելութեան պատճառն էր՝ նուիրատուութիւններ ժողովել մի ինչ որ «համակուսակցական կոմեռէի» օգտին: Կուրսերում մեծ յուզմունք է տիրում: Եթէ ոչ այսօր, վաղը նրանք կփակուին:

Նրանք ինձ իսկոյն տաք խօսակցութեան մէջ մտցրին:

Այդ բոպէին նրանց համար ամենաեռուն կենսական հարցը պրօֆէսօրների վրայ ունեցած դատն է: Նրանցից մէկի վրայ շատ ծանր յանցանքներ են ընկած:

Իմ ամուսինն էլ մասնակցեց խօսակցութեան: Այդ պրօֆէսօրը մի ժամանակ նրա աւագ ընկերն է եղել:

— Ի՞նչի մէջ էք նրան մեղադրում. հարցրեց նա:

— Նրա քաղաքական վարքի անմաքրութեան մէջ: Մի շարք փաստեր կան, որ այդ ապացուցանում են. պատասխանեց Սպիրիդոնովան վրդովուելով:

Նրա սև ու խոշոր աչքերում նշմարում էին կայծեր:

— «Անմաքրութիւն» խօսքը ծանր կշռադատելի է և միւլենոյն ժամանակ մութ:

— Ի՞նչ կկայանայ մօտակայ ժողովում. ասաց ակնոցներով ուսանողուհին: Եւ եթէ նա վաղն երեսայ դասախօսութեան, մենք նրան թոյլ չենք տալ խօսելու:

— Ի՛նչ, լաւ, ընդմիջեց ամուսինս. դուք իրաւունք ունիք պրօֆէսօրից սպասել գիտութիւն և դասախօսութեան տաղանդ, բայց նրա անձնաւորութիւնը պիտի ազատ լինի յարձակումներից:

— Մենք չենք կարող ամբիոններից լսել ակնյայտի յետադէմներին:

— Սպասեցէք, օրքան ինձ յայտնի է. շատ վաղուց չէ, որ այդ միւլենոյն պրօֆէսօրը ամենքի սիրելին էր:

— Ինչ որ եղել է, այն անցել է, ասաց ակնոցաւոր ուսանողուհին: Ամենքի զինք որոշելու ժամանակը հասել է: Նրա տաղանդի մասին մենք չենք բացասում: Բայց այդպիսի պարոնների հոգին իսկական բուրժուայի հոգի

է եղել, ծածկուած սիրուն ճառերով: Այժմ նրանք իրանք իրանց մասնեցին և շատ լաւ եղաւ:

Խօսակցութիւնը կարող էր փոխուել սուր վիճաբանութեան: Ես նայեցի ամուսնուս վրայ մի առանձին հայեացքով: Նա կանգնեց, դուրս տուաւ և, գրեթէ հեղնութեամբ, ասաց.

— Եթէ այդպէս շարունակուի, այն ժամանակ դուք պէտք է ձեզ մօտ մշտական—յեղափոխական ամբիօն հիմնէք, ինչպիսին որ կար Պարիզում, անբոթի ժամանակներում:

— Մենք այդպիսի պրօֆէսորներին միջոց կտանք իրանց արդարացնելու, պատասխանեց Սպիրիդոնովան՝ իրան բաւական զսպելով:

Ամուսինս գնաց: Ես մնալով նրանց հետ, ամենայն քաջութեամբ դարձայ նրանց ու ասացի.

— Ես պատրաստ եմ զոհել ինչ որ կարող եմ, բայց նախօրօք կկամենայի իմանալ, այդ ի՞նչ «համակուսակցական կոմիտէ» է:

— Նա կանոնաւորում է ամեն մի շաբաթում. պատասխանեց նրանցից մէկը:

— Եւ նրա վճիռները պարտաւորեցուցիչ են ամենքի՞ համար:

— Անպայման. ասաց ակնոցաւոր աղջիկը:

— Ներեցէք, ես այդ տեսակ գերիշխանութիւնը համակրելի չեմ համարում: Այդ միւսնոյն միահեծանութիւնն է, միայն թէ յեղափոխական:

— Այլ կերպ չի կարելի, ասաց Սպիրիդոնովան:

— Ցաւում եմ:

— Դուրս եկաւ մի անյարմար դրութիւն: Նրանք դուրս գնալիս՝ երկուսն էլ իրար ետեւից ասացին, որ իրանք մտադիր չեն բռնաբարել իմ խիղճը:

Բայց նրանց դէմքերը արտայայտում էին բաւականի գարշանք դէպի իմ բուրժուական յետադիմութիւնը:

Ես նրանց ուղեկցեցի մինչև հաշար: Այնտեղ՝ ակնոցաւոր աղջիկը, ոչ մէկի վրայ չնայելով, ասաց.

— Ի՞նչ նրբութիւնների ժամանակ է, երբ այսօր, հաւանական է, որ տեղի ունենայ կոտորածը:

— Ո՞րտեղ, վախեցած հարցրի ես:

— Այգոււմը, արձանի մօտ, կամ հէնց Տվերսկայա փողոցի վրայ:

Իմ կրծքի վրայ ասես սառույց դրին:

«Բայց իմ երեխան: Ախր տաք զնդակը կարող է նրան էլ հասնել»:

III

Ճաշի ժամը վաղուց լրացել էր, բայց ոչ Մանեան կար, ոչ Վօլոզեան: Ես և ամուսինս սկսեցինք անհանգստանալ:

Ամուսինս յանդիմանեց ինձ թէ ես աղջկանս մենակ բաց եմ թողնում. այն էլ այսպիսի խառնիշփոթ օրերին:

Բայց փոքր չէ: Դեռ մի տարի առաջ նա խնդրեց ինձ, որ իրան թոյլ տամ առանց աղախնու դուրս գալու: Ես էլ թոյլ տուի:

Եթէ նրա հետ մի ողբերգական բան է պատահել, միւսնոյն է մեր Դունևան չէր փրկելու նրան:

Մտիս խորքում ես էլ համաձայն էի ամուսնուս հետ՝ և որդն ինձ կրճում էր:

Առաջինը եկաւ Վօլոզեան՝ զրգռուած, մազերն անկարգ դրութեան մէջ, դօտին էլ կորցրած:

Իմ երեխաները սուտը չպիտի ասին: Ես նրանց միշտ այդպէս եմ սովորացրել: Տանը նրանց ոչոք ոչ մի բանի համար հարց ու փորձ չի արել, բայց և այսպէս նրանք սովոր չեն որ և է բան ծածկելու:

— Դու ո՞րտեղ էիր:

Նրա աչքերը վառուում էին: Թշերն էլ նոյնպէս:

— Մայրիկ, ես... ես մասնակցում էի ցոյցերին:

— Ատրձանակից կրակե՞լ էք:

— Այո, կրակել ենք:

— Դու ի՞նչպէս համարձակուեցիր:

Ես այնպէս վրդովուեցի, որ, կարծես, պատրաստ էի նրան մի լաւ ապտակ տալ:

— Մեզ զպրոցից արձակեցին, մայրիկ: Ընկերներս ինձ տարան ու յանկարծ մենք ընկանք ամբոխի մէջ: Ղազախնե-

ըրն իջան ձիերից ու սկսեցին կրակել զէպի տան յարկերի
աակ ընկած օթեակները, որանդ անդառուել են հայ-
թուխ բանուորները: Ամենքիս էլ այդ շատ բարկացրեց:
Մենք գոռացինք, երգեցինք «մարտելեզ»: Նրանք թափու-
եցին մեզ վրայ: Մտրակի հարուածը հասաւ իմ մէջքին:
Մի զազախ բռնեց օձիքս: Ես ազատուեցի: Գօտիս էլ,
ինչպէս աննում ես, կտրուեց:

Սյդ բոլորը նա պատմում էր արագութեամբ, բայց ա-
ռանց մի փոքր երկիւղի:

Կարծես մէկը՝ մի ակնթարթում փոփոխել էր իմ
Վօլոգեային:

Հայրն էլ յարձակուեց նրա վրայ: Ես վախեցի, կարծե-
լով թէ նա կխփէ նրան:

— Լսիր, հայրիկ. ընդհատեց նրան Վօլոգեան: Միթէ այդ
քստմնելի չէ: Միթէ զարշելի չէ մի տան վրայ կրակելը:
Եթէ միայն կրակէին նրա վերին մասերին, ուր անդառ-
ուած էին զործագուլ անողները, բայց անխաիր կրակել
տան բոլոր յարկերին... Մնացեալ բնակիչներն ի՞նչով են
մեղաւոր:

— Բանը զրա մէջ չէ: Ախր դու ի՞նչպէս ընկար ամբօխի
մէջ:

— Մեզ արձակեցին: Ես էլ ընկերներ ունիմ: Մենք որոշել
էինք դատադուլ անել: Անկարելի է սովորել: Անկարելի
է նստել յունական քերականութիւն խճրճել, երբ զրսում
գոյութիւն ունին այդ անսակ ստոր վարմունքներ:

Նա ամբողջովին կարմրել էր: Նրա փափուկ շրթունք-
ներին խաղում էր բարկութեամբ լին ծաղրը:

— Բայց ահա մենք քեզ կկողպենք. գոռաց հայրը:

— Կկողպէ՞ք: Ձէ, դուք այդ չէք անիլ: Ես էլ անձնաւո-
րութիւն եմ: Ասենք միևնոյն է: Մայրիկ, դարձաւ նա դէ-
պի ինձ. ևս ցոյցերի մասնակցօ՞ղ էի, թէ սովորական ան-
ցորդ: Միթէ զազախների վայրենի օրդան ջոկջրկում է:
Դուք երկուսդ էլ կարող էիք վնասուել:

— Բանը զրա մէջ չէ, գոչեց հայրը:

Եւ... լռեց:

— Մենք առանց քեզ քաղցած նստել էինք:

232825

— Ներիր, հիմա այսպիսի ժամանակ է:

— Պէտք է քեզ առանց ճաշի թողնել:

— Թողեցէք:

Նա երբէք այդ ձևով չէ արտասանել:

Ամուսինս նայեց ինձ և ոչինչ չխօսեց:

Սեղանի մօտ մենք նստել էինք ինչպէս պատժուածներ:

Մանեան դեռ չէր վերադարձիլ: Երկրորդ, երրորդ կերակու-
րըն էլ մատուցին:

Ամուսինս նայում էր ինձ վրայ անհանգիստ և կատաղի
հայեացքով: Սյդ հայեացքի մէջ դեռ միևնոյն յանդիմա-
նութիւններն էին:

«Դու ես մեղաւորը: Բոլորը քո չափազանց սէրն է դէ-
պի կանանց ազատութիւնը: Աղջկանը թողնել մենակ-
դէ, զնա այժմ ուրախացիր:

Նա նկատելի կերպով սպրդնել էր:

Ես հէնց սկսեցի հարց ու փորձ անել Վօլոգեայից, բայց
ամուսինս իսկոյն ընդմիջեց.

— Ո՞րքան ժամանակով են ձեզ արձակել, հարցրեց նա
Վօլոգեայից դեռ միևնոյն բարկացած ձայնով:

— Երեք օրով: Միևնոյն է, մենք վճռել ենք դատադուլ
անիլ:

— Մենք ո՞վ:

— Երեք՝ բարձր դատարանների աշակերտներս:

— Ի՞նչ էք արել, միտինգ էք ունեցե՞լ, թէ ինչ:

— Սյո, ժողով:

— Դրա համար էլ ձեզ արձակե՞լ են:

— Եթէ ուզում ես, հենց զրա համար:

Սյդ բոլորը Վօլոգեան ասում էր իւր խօսակցութեան
նոր շեշտով, առանց ձայնի ցնցումներով, զրական ոճով
և աւելի հանդարտ արտասանելով: Ոչ այնպէս ինչպէս
առաջ էր:

— Շատ լաւ: Ի՞նչ վճիռներ էք կայացրել: Հեզնօրէն
հարցրեց ամուսինս:

— Սյո, հայրիկ:

— Ախր ի՞նչ վճիռներ:

— Մի քանիսը: Ամենքից առաջ երեքը քաղաքական:



— Ասացէ՛ք, խնդրեմ: Իհարկէ «չորս պոչաւորի» հաշուինս Վօլօդեան քմճիծաղ սուաւ:

— Այո՛, «չորս պոչաւորի» հաշուին էլ:

Այդ խօսքը նրանք գործ են ածում՝ ընդհանուր, հաւասար, ուղղակի և գաղանի քուէարկութեան վերաբերմամբ:

— Իսկ ձեր դարոցական գործերի վերաբերմամբ: Թունալից ոճով ընդգծեց հայրը:

— Առաջինը՝ ուսուցիչը կամ դաստիարակը, եթէ կամենան ներկայ զանուիլ մեր ժողովներին, այդ ոչ այլ կերպ եթէ ոչ մեր համաձայնութեամբ: Նրանք ոչ մի ձայն չեն ունենալ, ոչ իսկ կարող են լինել խորհրդատու:

— Հա՛, հա՛, հա՛... ճիծաղեց հայրը և մի այնպիսի շարժում արաւ, որ կարծես թէ կամենում էր բռունցքով խփել Վօլօդեայի ծոծրակին:

Հաշտում լսուեց զանգակի սուր և արտաքոյ կարգի ձայնը:

Ես վեր թռայ: Սիրտս խփոյն թուլացաւ:

— Այս Մանեան է: Տէր Աստուած:

Դունեան խփոյն չվաղեց խոհանոցից: Ես վազեցի հաշտի դուռը բաց անելու: Ծնկներս գողում էին:

«Եթէ յանկարծ ներս բերեն Մանեայի դիմակը...»

Մանեային ներս է մտնում մի ուսանող:

Ես նետուեցի դէպի նա և լաց եղայ:

Նա դալկացել էր, քոնքից արիւն էր կաթում: Գրլխարկ չունէր: Արնաթաթախ՝ մի սև թաշկինակով կապուած էր ձախ ականջը:

— Մայրիկ, մի վախիր:

Ոչ իմ կրծքին ընկաւ, ոչ էլ լաց եղաւ: Նա դեռ ինձ ներկայացրեց իւր ուղեկցին:

— Ահա, ինձ ով փրկեց, մայրիկ:

— Ուսանող Տօպօրկով, ծանօթացրեց նա իրան:

Նրա գլխարկն ամբողջովին կեղտոտուած էր: Վերարկուն ցեխոտ, պատառոտուն փէշերով: Մազերն անկանոն թափուել էին ճակատի վրայ:

— Մանեան վերադարձել է, կանչեցի ես՝ դէպի սեղանա-

տունը:

Դուրս վաղեցին ամուսինս և Վօլօդեան:

Ամուսինս ինձանից պակաս չվախեց, իսկոյն սարդնեց և կցկտուր ձայնով ասաց.

— Պէտք է բժշկի ետեից զնալ... Պէտք է պառկեցնել:

Դու վերաւորուած ես, Մանեա: Մասախիկ: Խօսիր:

— Գնդակը տարել է ձախ ականջիս բլթակը:

— Գնդակը գողալով ասացինք մենք:

— Երկիւղ չկայ: Դեղատանը ես կապել եմ:

— Դուք բժշկականումն էք, հարցրեց ամուսինս:

— Այո, հինգերորդ կուրսի ուսանող եմ:

Վօլօդեան առաւ քրոջ ձեռը և համբուրեց նրա ճակատը: Նրա աչքերը վառուում էին: Թշերը կարմրել էին, բայց նա ոչ մի երկիւղի նշան չունէր:

Ահա թէ ինչ քաջեր եմ ծնել ես, այն էլ երկու սեռի:

Մանեային մենք տարանք իւր սենեակը, բայց նա անդադար կրկնում էր.

— Ես՝ ոչինչ, ես՝ ոչինչ: Սա անց կկենայ:

Ամուսինս խնդրեց ուսանողին՝ մասնակցել մեր ճաշին, բայց նա մերժեց:

— Պէտք է շտապեմ: Չգիտեմ ինչ եղան միւս ընկերներս:

Իմ յիշողութեան մէջ ֆնացել է նրա նիհար դէմքը, խոր ընկած աչքերը, փոքրիկ միրուքը և երեսի խալը: Նա ամբողջովին եռում էր: Նրա աչքերում շանթահարուում էին զայրոյթի կրակները:

Ամուսնուս և Վօլօդեային հեռացրի, ապա սկսեցի հանել Մանեայի շորերը:

Այստեղ միայն՝ նա յանկարծ ցնցուեց, թեքուեց դէպի ինձ ու լաց եղաւ:

Բայց և խփոյն նա ամօթ զգաց այդ սեսակ փոքրոգութեան համար:

Ես սիրտ չէի անում, որ և է բանի մէջ յանդիմանել նրան և ասել թէ՛ ինչպէս նա կարողացաւ զոհ զնալ փողոցային խառնիշփոթութեանը:

Եւ ստիպում էի, որ նա հանուի, որ ապա զնեմ անկողնի մէջ:

— Մայրիկ, ասաց նա՝ բարձի վրայից թեքուելով դէպ ինձ. մի չարանար ինձ վրայ, ես չկարողացայ կանգ առնել, ես յափշտակուեցի:

— Բայց դու աննում էիր, որ պէտք է հրացան արձակին:

— Գնդակն ինձ հոսաւ ետեիցս և ես վայր ընկայ: Եւ ահա, ի՞նչն է սարսափելին, նա ձեռներով ծածկեց երեսը. ես կէս ժամ ուշաթափուած ընկայ մի դիակի-մի սպանուած բանուորի վրայ: Այդ սարսափելի է:

Նա սկսեց դողացնել: Ես աւելի սաստիկ վախեցի և այժմունուս ուղարկեցի բժշկի ետեից:

Ամուսինս հոգով աւելի ընկձուել էր, քան թէ ես: Ախր՝ կհանքի զօրեղ ըզգէներին տղամարդիկ մեղանից թոյլ են:

VI

Մենք՝ ամուսնոյս հետ մեր սովորական կեանքից դուրս եկանք թէ ինչպէս մարդիկ, թէ ինչպէս քաղաքացիներ և թէ ինչպէս ծնողներ:

Երեխաներին մենք ամենայն եռանդով դաստիարակեցինք: Մենք՝ մեզ վրայ պարտաւորութիւն վերցրինք՝ տանել այդ հոգիներին դէպի այն բոլորը, ինչ որ մենք համարեցինք բարութիւն և ճշմարտութիւն:

Իսկ այժմ ի՞նչ Ոչ թէ մենակ դրանց զիմնադիան: Այն սխտեմը, որ այսքան երկար ճնշեց մեր երեխաներին, տապալուել է, սնանկացել:

Մենք էլ ենք սնանկացել: Պէտք չէ շուռ ու մուռ դալ: Բանից երևաց, որ մենք էլ ենք կարողութիւնից զուրկ:

Տանը մէջ, մեր բնակարանում՝ դեռ մի կերպ մեր զրութիւնը պահպանում ենք: Այն էլ ինչ ճանապարհով: Նրանով, որ մենք թոյլ չենք տալիս նրանց ասել այն, ինչ որ բորբոքուել է նրանց մէջ, ինչով որ բռնկուել է ամբողջ երիտասարդ Ռուսաստանը՝ սկսած գիտակցութեան հասած արհեստաւորից մինչև բարձր ինտելլեկտնցիայի ներկայացու-

ցիչները, պառաւած՝ հինգերորդ կուրսեցի ուսանողից մինչև քաղաքային ուսումնարանի աշակերտներն ու աշակերտուհիները:

Վօլոզեան և Մանեան դադարել են ինձ ամեն բան պատմելուց: Նրանք իրար հետ սկսել են շշուէջներով խօսել: Վօլոզեայի զիմնադիան փակել են մինչև նոր կարգադրութիւն: Մանեան կարող է գնալ իւր ուսումնարանը, բայց նրան ես դեռ չեմ թողնում:

Երկու օր նա տաքութիւն ունէր, գիշերները զառանցում էր:

Վէրքը—մեծ բան չէ: Բլթակից կարուած է մի փոքր կտոր, որ ամենեին նկատելի չի լինիլ: Բայց նա չի կարողանում ազատուիլ այն կոշմարից, երբ նա ուշաթափութիւնից յետոյ, իրան անել է ընկած մեռածի սառը մարմնի վրայ:

Իսկ իմաց նրա ամբողջ կեանքի մէջ:

— Մայրիկ, ասում էր նա ինձ, իւր տաք ձեռով բռնելով ինձ ու ամբողջ մարմնով ցնցուելով. մայրիկ, ախր՝ այդ վարմունքին անուն չունի: Անմեղներին այդպէս սպանել փողոցում: Ախր ինձ էլ կարող էին այդպէս անել: Եւ այդպէս ծեծել. մտրակով, թրերով, այդպէս գազանաբար, ախր, գարշելի է:

Նրա աչքերը վառուում էին: Նա ամբողջովին խորին յանդիմանութիւն էր դառել:

Էլ միտք ունէր նրան խրատներ կարդալու, ցոյց տալու, որ ինքն է մեղաւոր, ինչու է փողոցները չափսփել ու մասնակցել ցոյցերին:

Առանց այդ էլ Մանեան և Վօլոզեան այնպէս են հաշուում, որ իրանց ծնողները՝ եթէ այդ հրացանաձգութիւնները և այդ զաղբելի կոտորածը չեն արգարացնում, բայց այնքան էլ քաղաքացիական արիութիւն չունին, որ բարձրաձայն յայտնեն իրանց նողկանքը:

Վօլոզեան առաջին անգամն է, որ հօրը հետ «կոպիտ» է վերաբերում: Բայց իւր ժամանակին մեր մասին էլ այսպէս են ասել, երբոր մեզ թոյլ ենք տուել որ և է դէպքում հերքել՝ մեր ծնողների կամ ուսուցիչների ասածը:

Գպրոցներից զրանց արձակել են մեծ խայտառակութեան պատճառով:

Նրանք դաստիարակին ձգել են հաշտը, ժողով են կազմել և, յայտարարելով («քաղաքական բոյկոտ»), խմբովին դիմել են զէպի հարեան կանանց զիմնազիան, դաները ջարդել են և երբ նրանց ներս չեն թողել, հաւաքուել են բակը ու սկսել են գոռալ թէ՛ եթէ աշակերտուհիներին այս բոյկոտի բայ չթողնեն, նրանք կկոտորատեն պատուհանների ապակիները: Առաջին և երկրորդ դասարանցիները ամենքից կատաղի են եղել, այնպէս որ պէտք էր մեծերը նրանց ձայնակցէին:

Բակն է մտնում մի ինչ որ զազախ, բայց առանց զէնքի: Երրորդ դասարանցիներից երկուսը առաջ են գալիս և ատրճանակները մեկնում զէպի նա: Ղազախն իսկոյն փախչում է:

Ահա հէնց այդ զէնքի համար էլ ամուսինս և Վօլոդեան այնպէս տաք վիճեցին իրար հետ:

Վօլոդեան սկսեց փող խնդրել՝ զէնք առնելու համար, բայց ամուսինս մերժեց:

Սկզբում՝ Վօլոդեան խօսում էր աղերսանքի ձևով, բայց հայրը դոռաց:

— Յիմարութիւններ են: Սյդ նրա համար, որ յեղափոխութեամբ խաղաս: Ոչոք ձեզ չե խօսացնիր: Առաջին անկարգութիւններ անողը դուք էք:

Վօլոդեան մի ակնթարթում գունատուեց ու դուրս թրուցրեց:

— Ինչ չարանալու իրաւունք չունիս, հայրիկ: Մենք որոշել ենք զինաւորուել: Մենք իրաւունք ունինք ինքնապահպանութեան համար: Սե հարիւրեակները որսորդի նման ընկած են մեր ետեից, ինչպէս վայրենի գազանի ետեից: Հայհոյում են մեզ: Մեզ անուանում են աղաւնու բոյներ: Բայց մենք մեզ համար չենք զոգում: Մենք պարտաւոր ենք պահպանութիւն կազմակերպել՝ աշակերտներին պահպանելու համար:

— Ահա ձեզ՝ հանդէս են եկել տխուր կերպարանքի ասպետներ:

Ամուսինս՝ իւր դողիւր պէտք էր այդքան չընդարձակէր: Նա այդպիսով կատաղեցրեց երեխային:

Վօլոդեան բարձրացաւ մի տեսակ «ցոյցով» ու դուրս գնալով, ասաց:

— Լա՛ւ, ես ինձ համար Ֆիննի դանակ կգնեմ, բայց ես ինձ կենդանի չեմ ձգիլ ուրիշ ձեռքը: Սյդպէս էլ իմացէք:

Եւ ահա նա նստած է իւր սենեակում կամ դուրս է գալիս այնտեղից առաւօտեանից: Նրան հօ չի կարելի կողպել: Նա—մեծ է և զօրեղ: Ախր այժմեան երեխաները ընդունակ են ամենայնգոլգն միջոցների դիմելու: Հաւանական է, որ նա արդէն դանակ է ձեռք բերել: Նա կամ կկորէ իւր կոկորդը, կամ իրան կայրէ լամպայի նախթով:

Մենք՝ երկուսս էլ անզօր ենք: Սյս կատարեալ անանկութիւն է: Եւ զրա մէջ ամբողջովին մեղաւորը մենք ենք: Նշանակում է, որ մենք մեր զաւակներին չենք կարողացել մի այնպիսի ոյժով զրաւել զէպի մեզ, որ զիմնազիան չկարողանար այդպէս կաշկանդել:

Մեր ընտանեկան օջաղը, բարձր ոճով ասենք, նման է «կահաւորած սենեակների», որտեղ կենողները չեն ճանաչում իրար: Ճաշի ու թէյի ժամանակ մենք լռում ենք: Եւ ես զոգում եմ: չինի թէ հայր ու որդի էլի կբռնեն:

Որդիքս կարծես ծաղրում են, որ մենք՝ երկուսս վշտացանք, երբ յանկարծ լամպաները հանգան և ամբողջ բնակարանը մնաց խաւարի մէջ խարխափուած:

Նրանց համար այդ սիրելի էր: Նրանք հրձուում էին: Սյդ—ամենակարող զործադուլն է: Սյդպէս անարգանքով նրանք պէտք է վերաբերուին զէպի մեր հօգացողութիւնը՝ մանզէնի, նախթի, մամի, իւղի, կաթնի և ուրիշ մթերքների մասին:

Ամուսինս՝ էլ չհամբերեց և ձաշի ժամանակ նետեց զէպի նրանց:

— Եթէ ուզում էք սուրբ Անտոնիոսի կերակրից օգտուել, խնդրեմ շնորհ անէք: Գիտնականները բացատրում են, որ քաղցից չի կարելի մեռնել, հարկաւոր է միայն՝ մի բաժակ եփուած ջուր խմել և երկու կտոր շաքար ուտել: Նախթը և մամերը՝ մեզ մօտ՝ ամեն տեղ վառւում

էին, բայց ամուսնու համար տխրալի էր պարագիւ Հին ձևի լուսաւորութեան տակ: Նա վաղ է զարթնում, ժամը եօթին և նրա համար՝ սեղանի պայծառ լուսաւորութիւնը դառել էր հոգեկան պահանջ:

Նա վարձել է տեղափոխուող մեքենան, որին կպցրած է սեղանատան լամպան:

Երէկ «ուվրիերը» եկաւ, որ այդ բոլորը յարմարեցնէ և կարգի բերէ:

Ես գրեցի («ուվրիեր»), որովհետեւ դա այն արհեստաւորները չէր, որոնց հետ մենք ընտելացել ենք: Բայց նա աւելի նման է զիմնազիան աւարտած մի երիտասարդի. երկայն մազերով, փոքրիկ բեխերով, սև բլուզայով ու գօտով:

Նա խօսում է ինչպէս «ինտելիգենտ»:

Գործազուլի վերաբերմամբ ես մի նկատողութիւն արի: Նա նայեց ինձ իւր թանձր յօնքերի տակից և մի առանձին զիբք տուաւ իրան:

— Բանի որ մենք գործազուլ չենք արել, ձեզ համար միևնոյն է, տիկին:

— Բայց անելու փորձ եղել է:

Նա մի ծուռ ծիծաղեց:

— Ընկերներս ինչպէս կվճռեն:

— «Ընկերներ» բառը նա արտասանեց համարեա թէ իւր ձեռով: Դա մի սրբազան գործուածք է, որն այժմ պարտաւորական է բանուոր կուսակցութիւնների համար: Դա թարգմանութիւն է ֆրանսերէն «compagnon» բառի:

— Եւ դուք կհպատակուէք:

— Հապա ի՞նչպէս:

— Ախր մե՞նք ինչով ենք մղաւոր:

— Տիկին, այժմ ժամանակը չէ որոշելու թէ՛ ո՞վ է արժարը, ո՞վ է մեղաւորը: Առէք լրագրերը: Գրաշարները գործազուլ են անում ոչ թէ մենակ իրանց պահանջների համար, այսինքն ութ ժամուայ պարագմունքի և ուրիշ բաների մասին, այլ դա զուտ քաղաքական «բոյկոտ» է:

Այդ խօսքը նա արտասանեց դանդաղութեամբ և նկատելի ինքնագոհութեամբ:

— Լրագրերը հօ մենակ ձեզ պէս բնակիչների համար չեն, նրանք հարկաւոր են այլ և մեր եղբայրներին—բանուորներին, բայց, ահա, տեսնում էք, նստած ենք առանց լրագրական կերակրի: Այսպէս էլ ամեն բանի մէջ:

Ես չհերքեցի:

Ես յիշեցի այն համեմատութիւնները, որոնք ամուսինս սիրում էր կրկնել այն ժամանակները, երբ տեղի էին ունենում զանազան սպանութիւններ և զաղանի միութիւնների ուժեղ քարոզներ:

Ինչ որ կատարուում է մեր հայրենիքում, նա համեմատում էր ցուլերի կռուին:

Յուրն այն բեժիմն է, որին պէտք է տապալիլ: Յլամարտիկները՝ զաղանի կոմիտէների հրամանները կատարողներ: Իսկ մենք՝ ինչպէս հանդիսականներ նստել ենք մի մեծ ամֆիթատրոնի նստաբանների և նայում ենք թէ՛ ի՞նչ է կատարուում կրկեսում, որտեղ երևում են՝ եթէ ոչ մարդկանց, բայց սպանուած ձիերի արեան լճակները:

Բայց այժմ չի կարելի նստել բարձր յենարանի ետև, ուր որ չէր կարող բարձրանալ՝ ոչ ցուլը, ոչ տէգակիր ձիավարն, որն իւր տէգով ծակում էր նրա փորը:

Հարկաւոր էր մեզ՝ բնակիչներին էլ մտնել ասպարէզ:

Ոչ այսօր, այլ վաղը՝ միևնոյն «սև հարիւրեակները» որքան աւելի կատաղի կերպով պիտի ջարդեն մեր զաւակներին, մեզ էլ հանդիստ չպէտք է թողնեն, այլ մեզ էլ պէտք է մայթերի վրայ կանգնեցնեն և դռան:

— Դու ո՞ւմ կողմն ես, մե՞ր թէ «կրամօլնիկ»-ների՞:

Միթէ ես իմ երեխաների աչքում չե՞մ տեսնում այս յանդիմանութիւնը:

«Մայրիկ» չի կարելի («ոչ այս») լինել («ոչ այն»): Դուք՝ հայրիկի հետ՝ Ձեզ ազատամիտներ էք հաշուում, ապացուցէք այդ:

Ախր ի՞նչ բան է ազատամիտը՝ մինչև անգամ նրանց համար: Դա էլ միևնոյն «բուրժուան» է: Նա պէտք է կարգի կոչէ, նա ծուռն է չոքում «սեպհականութեան» սրբազան սկզբունքի առաջ: Բայց այդ բոլորն ո՞վ է պաշտպանում: Ոստիկանները, ժանդարմները, զրազուները և դա...

զախները: «Վերջնական հաշուումն էլ» մտրակներն ու հրացանաձգութիւնները:

Իմ զլուխն ամբողջովին շուռ է գալիս: Տանն ինձ այնպէս եմ գզում, իբր թէ պահուած եմ մի շարք ծանր յանցանքներ գործելու համար:

V

Այս միբաժ չէ, այլ իրական կեանք:

Ես և ինձ հետ մի շարքում կանգնած ամուսինս և զաւակներս, մի հրապարակի վրայ ենք, մի քանի հազար հոգուց բաղկացած ամբոխի մէջ:

Միթէ այս միեւնոյն քաղաքն է: Ահա թատրոնը, միեւնոյն սիւները, միեւնոյն բրօնզէ ձիերը, կառքի հետ՝ թատրոնի ճակատի վրայ: Զախ կողմից միեւնոյն պատը, որի միւս կողմից երևում են աների շարքերը, եկեղեցիների զլուխները և զանգակաանները:

Ո՞վ է խօսում: Մի պրօֆեսոր: Նրա խօսքերը հազիւ են հասնում մեզ: Բայց այդ միեւնոյն չէ: Մենք գզում ենք, որ նա խօսում է, որ նա պարտաւոր է խօսել: Լրսւում են համակրանքի ձայներ: Պրօֆեսորը զլուխ է խօսարհում: Մենք էլ գոչում ենք: Մանեան, զեռ ահանջը կապած, օղում բաշլըղի ծայրն է շարժում, իսկ Վօլօղեան— զլխարկը և՛ ամբողջովին կարմրած՝ գոչում է.

— Կեցցէ ազատութիւնը:

Ամուսինս լուռ է, բայց ժպտում է: Նրա աչքերն էլ փայլում են: Նա ձեռին բռնել էր մի թերթ, որի վրայ նշանակուած է «չորս ազատութիւն»:

Նրանց տուել են: Չէ, նրանց առել են: Դա ողորմութիւն չէ, այլ իրաւունքներ, որ խլուած են փտած ըստիմից:

— Մեր Magna charta libertatum, ասում է ամուսինս, ցոյց տալով երէք յօդուածի վրայ:

Իսկ եթէ յանկարծ խարե՞ն: Եթէ անդառնալի և էական ոչինչ չտան:

Չէ, չեմ ուզում կասկածել, նենդամիտ լինել: Այս բոլորը սարկական զգացումներ են: Ազատ քաղաքացիները

ոչինչ չախտի ունենան, բացի հաւատից դէպի փայլուն ապագան և բացի ցոփ ըմբռնումից՝ պաշտպանելու այն բոլորը, ինչ որ ձեռք է բերուած:

Կեանքիս մէջ առաջին անգամ ընկայ այդ տեսակ ամբոխի մէջ: Ո՞վ կարող էր մտածել թէ այսպէս բան կարող է պատահել՝ ոչ թէ տասը տարի այլ հէնց տարի ու կէս առաջ: Ինչ որ բան ճնշում ու արբունքի է հասցնում:

Ես միշտ վախել եմ ժողովրդի ահագին համախմբումից: Յիշում եմ: Կրեմլի և Զամոսկվորէչիայի հրավառութեան մի օր, ես ընկել էի պատի նման սղմուած մի ամբոխի մէջ, որի ծայրը հասել էր մինչև Նիկոլսկայա փողոցի վերջը: Այդ օրը մենք բարեկամների հետ ճաշեցինք «Սլաւեանսկից բազար» ճաշարանում: Այդտեղից դուրս գալուց, մենք որոշեցինք ոտով անցնել մինչև Կրեմլ: Հանդէսի ժամը չիմանալով, մենք ընկանք այդ ամբոխի մէջ: Յիշում եմ՝ թէ ինչպէս ես երկիւղից սարսափած, հեռեւելով ընկերուհուս, նետուեցի դէպի մի անկիւն, որ ընկած էր Սինոդական տրպարանին մօտ գտնուող տան՝ դուրս ցցուած պատի մօտ:

Այնտեղ մենք կուչ եկանք և սպասեցինք, մինչև որ անցնի այդ շարժուող մարդկանց մարմիններից գոյացած հեղիղը:

Ամբոխի մէջ ոտնատակ դառնալը ինձ առելի սարսափելի էր թւում քան կենդանի՝ կրակի մէջ այրուիլը:

Ո՞վ տեսել է Խօզինկայի զարհուրանքը, նա չի կարող չարսափել՝ ամբոխի մէջ մտնել ստանալուց:

Բայց այստեղ ինձ ոչինչ չէր շփոթեցնում: Կարծես ես ամբողջ էութեամբս յենուել էի այդ մեծաթիւ ամբոխին:

Եւ մենք առաջ էինք ընթանում, չիմանալով թէ ուր, ոչքից էլ ոչինչ չհարցնելով:

Որդիքս սղմուել էին ինձ: Նրանք շարունակ կանչում էին և օղում ծածանում՝ մէկն իւր զլխարկը, միւսը բաշլըղը: Ամուսինս մեզանից չէր հեռանում: Մենք երեսաների ձեռներից բռնել էինք: Մէջ տեղով դնում էին Վօլօղեան և Մանեան, իսկ նրանց աջ ու ձախ կողքերով— ես և ամուսինս:

Գնում ենք, դնում, բարձրանում ենք վերև, առանց իրար ձնշելու, առանց խլրտումների: Ծիծիում էին՝ ոչ

Թէ հինգ, ոչ թէ տասը, այլ մի քանի տասնեակ կարմիր դրոշներ ու դրոշակներ, որը պարզ, որն էլ զանազան մակադրութիւններով:

Վօլօզեան՝ այդ մակադրութիւնները կարգում էր հեալով Մանեան կրկնում էր և քրքչում... քրքչում էր ու կրկնում:

Իսկ ետեւից մեզ հրում էր միեւնոյն ահաւելի ալիքը: Միշտ առաջ ու առաջ:

Փողոցի երկու կողմերից վերցնում էին թագաւորական՝ երեք-գունի դրոշակները, պատռում էին նրանց սպիտակ և կապոյտ շերտերը և դարձնում էին նրանց ամբողջովին կարմիր:

Ահա հասանք հրապարակին: Մի ուսանող բարձրացաւ լապտերի սեան գլուխը և նրա վրայ պնդացրեց կարմիր դրոշը: Պատշգամբն է գուրս գալիս զօրավարը մի սպայի հետ և ինչ որ բան է խօսում: Ահա բարձր գոչումներ, ինչ որ բանի համար պահանջներ:

— Ազատել բանտարկեալներին. բացականչում է Վօլօզեան:

Նրանք երկուսն էլ՝ քրոջ հետ մղւում են դէպի պատշգամբը:

Ես և ամուսինս պահում ենք նրանց:

Դողդոց ուսական մարտիկները: Գլուխների ծովը նորից ծածանեց— և սահեց դէպ հեռուն, դէպի վեր:

Բանտարկեալների ետեւից... Իէպի Բուտիրկա... ինչպէս արձագանք սաւառնում էր մեր առջեւից ու ետեւից:

Ես և ամուսինս նայում ենք իրար:

«Այս ի՞նչ է» ոչ վախեցածի նման, ոչ էլ ուրախացածի՝ հարցնում է նա ինձ՝ աչքերով:

— Բաստիլիայի առումն է. ուրախ ձայնով ասում է նա:

Մեր երեխաները խորին ողևորութեան մէջ էին, Վօլօզեան բռնել էր քրոջը ու մղում էր առաջ: Մենք նրան պահում էինք: Ես աղաչում էի մնալ մեզ մօտ: Ամուսինս էլ բռնել էր Մանեայի մէջքից ու պինդ պահելով, շարունակում էինք գնալ:

Հրուենք դէպ առաջ... այնտեղ, Ստրաստնոյ վանքի մօտ...

ապա դնանք. տասը նա երեխաների գլխի վրայից:

— Չէ, հայր, ամօթ կլինի փախչել. գոչեց Վօլօզեան:

Սա՛ էլ այն փափկասուն, հեղ մանուկը չէ, այլ աղատութեան զինուոր: Նրա գլխարկը ծոծրակի վրայ է, վերարկուի կոճակներն արձակուած, ձեռն էլ մի փայտ է ձրգել՝ ծայրին կարմիր փալասի կտոր: Նա կրգում էր ուսական մարտիկները:

Եւ ես ու ամուսինս զգում էինք ամօթ: Եւ էլ չէինք ուզում դէպի գուրս մղուել, կառք վարձել ու երեխաներըն առնելով, տուն դնալ:

Ո՛րքան զնայցինք մենք— չգիտեմ: Ժամանակի ու տարածութեան համար մեր միաքր կարծես մեռել էր:

Ինչպէս տարօրինակ է: Այս աղմուկների արանքում ես յիշեցի մեր՝ փիլիսոփայութեան պրօֆեսորի դասախօսութիւնները կուրսերում, երբ նա խօսում էր Կանտի մասին և զարգացնում էր այն միտքը թէ՛ ժամանակը և տարածութիւնը - մեր մարդկային երեակայութիւններն են, բայց էսպէս նա չկայ տիեզերքի կեանքի մէջ և նրա համար, ով որ համարում է նրա ստեղծողը:

Մենք անցել էինք բաւական ճանապարհ: Գլխների ծովը դեռ անկանոն շարժւում էր: Ահա հեռուից երևում են բանտի պատերը: Լսում են ամբոխի աղաղակները: Կարծես թնդանօթի ձայներ լինին:

Ոստիկան թուլութիւնը ես սկսում եմ զգալ: Աչքերիս առաջ քօղեր են բարձրանում, բայց ես աներեակայելի ճիգ եմ գործ դնում, յենւում եմ Վօլօզեայի կռանը, նա ինձ տանում է: Մի քանի ըսպէ ևս, և ես կարող եմ ուշաթափուել: Այն ժամանակ ինձ ոտնակոխ կանեն, Այս երկիւղն՝ ինչպէս ելէքորական զսպանակ զուարթացնում է ինձ:

Այնտեղ՝ առջևում աղմուկն աւելի սաստկանում է: Երգեցողութիւն, ուրա... Յանկարծ միւս կողմից երեւցան զազախները և անցան մի ուրիշ կողմ: Առջևի շարքերն արդէն բանտի դռների մօտ էին:

Ս.մեն ինչ կանդ առաւ... թէ յետոյ ի՞նչ է կեղ, այդ ես չգիտեմ: Ես ուշքի եկայ մի ինչ որ պատի մօտ: Ինձ

ուշքի էր բերում ամուսինս: Մի ուսանող էլ ընկած էր ծնկներին: Նա բացարձակ վերարկուի մէջ էր, որի տակից երևում էին նրա գունաւոր շապիկը:

— Իսկ որդիքս:

— Նրանց յետ քշեցին. պատասխանեց ամուսինս դրժ- գունած, ճակատը քրտինքով թաց: Գլխին գլխարկ չկար:

— Գնանք, որոնք, գոչեցի ես՝ ուժգնապէս ոտքի կանգ- նելով:

— Ո՞րտեղ նրանց գտնել, ամուսնուս փոխարէն պատաս- խանեց ուսանողը:

Եւ, իւր ուրախութեան հոսանքը չզսպելով, բացական- չեց.

— Ազատել են... ամենքին: Հսուում է երկու հարիւր մարդ: Ի՞նչպիսի յաղթութիւն:

— Ռուսաց Բաստիլիանն առնուած է, ասաց ամուսինս, աշխատելով ժպտալ և ոգևորել ինձ:

Կարծես հրաշքով մի կառք գտնուեց: Ճանապարհին ամուսինս ինձ պինդ բռնել էր: Կարծեմ ես մի անգամ էլ ուշաթափուեցի:

Շորերս հանել են, դրել են անկողնի մէջ և ես քնել եմ, ինչպէս սպանուած:

Երբ որ զարթայի ու զանգահարեցի՝ ննջարանս վաղե- ցին երեխաներս:

— Մայրիկ, մայրիկ, սիրելի...

Մանեան ընկաւ ծնկներին ու համբուրեց ուսերս, ձեռ- ներս, ծնկներս:

Վօլոյեան էլ ընկաւ նրա կողքին: Յանկարծ նա գլու- խը բարձրացրեց և կցկտուր ձայնով գոչեց.

— Բոլորին էլ արձակել են. և Բուտիրկայից և Տազան- կայից: Տէր, Աստուած, մայրիկ, ինչպիսի ուրախութիւն: Նա չզիմացաւ ու լաց եղաւ:

VI

Եւ դարձեալ գլխների ծով: Դարձեալ տասնեակ հազա- րաւոր ամբոխը անցնում է քաղաքի միջով՝ դէպի գերեզ-

մանատուն: Գերեզման են տանում երէկուայ շարժման՝ անյայտ առաջնորդներից մէկին:

Մենք մեր կիսնքի մէջ՝ առաջին անգամն ենք լսում նրա անունը: Ամենատիրական, ոչ սուսական անուն է: Ծանր երկաթով նրան տապալել էր մի («պահապան») դրո- նապահ, որ պատկանում է այն հրոսակախմբերին, որոնք շրջում են խաչուառներով ու պատկերներով, երգում են օրհներգ, ճեծում են «ջհուգներին», ուսանողներին, զիմնա- ղեայի աշակերաններին և բոլոր նրանց, որոնց համարում են ինտելլեկցիոններ:

Ես և ամուսինս ուղեցինք երեխաներին չթողնել այդ թաղմանը մասնակցելու: Բայց այդ անկարելի էր: Եւ նը- րանց մենք՝ ինքներս տարանք:

— Տեսնում ես, մայրիկ, իրար ընդմիջելով ասացին նրանք ճանապարհին, ինչպիսի կարգապահութիւն է: Մի վախիր, նրանք չեն համարձակուել վրայ թռչել իրանց մտրակներով:

Ես էլ չէի վախում ամբոխից. ոչ երգեցողութիւնից, ոչ մակագրութիւններից, ոչ էլ իրարանցումից, որ ամեն մի բոպէ կարճ էր սպասել:

Երեխաները դնում էին մեր առջևից: Սկզբում նրանք շուռ էին գալիս ու պատմում էին մեզ՝ իրանց տպաւորու- թիւնները, վերջը լռեցին: Նրանք ապշել էին ընդհանուր պատկերի վեհութեամբ:

Ես և ամուսինս՝ երբեմն կամացուկ՝ իրար յայտնում էինք մեր տպաւորութիւններից, որ ստանում էինք այդ- քան երկարատեւ ընթացքում:

Բոպէն հասել էր, որ մենք էլ ստուգէինք մեր կրէդոն: Այժմեան ձեռով («պլատֆորման»):

Մեզ համար այդ տարօրինակ և օտարոտի խօսքը ար- դէն գործ են ածում և մեր երեխաները:

Ահա մենք—հարիւր հազարաւոր ամբոխի երկու միկ- րօսկօպային մասնիկ: Նա մեզ մղում է: Բայց ախր մենք կամաւոր մասնակցեցինք այս հարիւր հազարեայ բողոք- մանը:

Ի՞նչի դէմ:

Ասելի ճորտութեան դէմ: Ի՞նչ փնտս, եթէ նրա մի տասներորդ կամ շնա- շնա, մի հինգերորդ մասն է պարզ հասկանում թէ՛ իրանք ի՞նչու համար են կանգնած, ի՞նչ են ուզում տապալել, յանուն ի՞նչի գնալ բացարձակ կռուի և զոհել իրանց կեանքը: Վնաս չունի:

Ես և ամուսինս ախր մեզ համարում ենք ինքնաձանաչութեան հասածներ և մեզ վերադրում ենք բարձր ինտելիգենցիայի դասին: Իսկ այդ ինտելիգենցիային ուզում են հռչակել՝ իբրև հասարակութիւնը ոչնչացնողներ: Անարգում են նրան, պարսաւում են, խլում են նրանից յաւիտեան ընթացքի մէջ գանուած դաղափարների և բողոքների նշանակութիւնը, որ վառուեց նրանով, ահա ինչի որ մենք մասնակցում ենք: Բոլոր նրա արիւնոտ կամ անարիւն զոհերը, տանջանքները, մահուան պատիժները, աքսորները, դաժանակիր աշխատանքները, բանտերը, հալածանքները—բոլորը, բոլորը յանձնում են ջնջելու:

Ո՞ւրից:

Հէնց նրանցից, որոնք ղեկավարում են այս ցոյցը:

Մինչև այժմ այդպէս էր մտածում իմ ամուսինը: Աղպիսի հարցերը ինձ էլ յուզում էին: Եւ մեր երեխաների մէջ արդէն հասել է այն արհամարհական վերաբերմունքը դէպի մեզ—դէպի պառաւած «ինտելիգենտներին» որոնց՝ նրանք, տեսնում էք, ոչ մի բանով էլ պարտական չեն:

Ոչ միայն հայրենիքի ասելի անցեալին, այլ և մեզ բոլորիս և մեր առաջնորդողներին, մեր դաղափարներին, մեր սրբութիւններին—փականք:

Այդ բոլորը մենք խորհեցինք մեր մէջ: Եւ գնում էինք, գնում էինք, զգալով, որ մենք այստեղ ենք, ոչ ստիպուելով, ոչ թէ վախենալով երեխաների համար և նրանց բերինք մեզ հետ միասին, որպէս զի տանը մենակ մնալով, դժոխքի տանջանք չքաշեն: Կողպել նրանց չի կարելի: Ծնողական այդ տեսակ իշխանութիւն այլ ևս չկայ գոնէ այն մարդկանց մէջ, ինչպէս, որ մենք ենք. մեզ նման սեռի՝ հնացած մարդասէրներ և դաղափարականներ:

Այո, մենք գնում էինք այնպիսի զգացումով, որ կար-

ծես դարձեալ ընթանում ենք մի նոր Բասախիա վերցնելու: Մենք զիտէինք, որ այդ թաղումը կլինի կատարեալ «քաղաքացիական», առանց ծէսէրի, առանց ստիպողական եկեղեցական-սիմբոլիզմի, որի հետ առաջինը մենք՝ ամուսնուս հետ հաշտուեցինք: Վաղուց է, որ մենք մեզ ուղղափառ չինք համարում: Բայց և այսպէս չհամարձակուելինք բացարձակ կերպով բաժանուել պետական—հոգեորական ճորտութեան հետ: Երեխաներին մկրտել ենք, ուղարկում ենք նրանց՝ խոստովանքի և հաղորդութեան, յանձնում ենք զիմնադիական՝ փարաջաւոր չինովներին, որ նրանք սովորացնեն, թէ նրանք՝ սրտի ցաւով և կոտորած ամբողջ հոգեկան «ես»-ով՝ ի՞նչից պիտի ազատուին, երբ զիտութիւնը ցոյց կտայ իրանց թէ՛ ինչպէս պէտք է լուծել էութեան հանելուկը:

Միտում էր: Մեր շուրջը, հարիւրհազարաւոր ամբոխի մէջ, առջևից, կողքերից ու ետևից մերթ լուծ էին ու մերթ բարձրանում «յաւիտենական յիշատակ» երզի հզոր ալիքները:

Նա հնչում էր ինչպէս եկեղեցական հոգեհանգստեանը, բայց նա այդպէս յայտնում էր անջատումն այն բոլորից, որոնք հողին պահել են ստիպողական հաւատի շղթաներում:

Մենք նոր էինք նստել ճաշի սեղանի մօտ: Ամենքս էլ սարսափելի կերպով քաղցած էինք: Ժամը իննից աւելի կլինէր:

Յոգնածութիւնից՝ սկզբում ուտում էինք լուծեամբ: Բայց յետոյ միանգամից սկսեցինք խօսել: Երեխաները դեռ մեղադրում էին ինձ, որ ես կէս ճանապարհին ստիպում էի վերադառնալ: Միւսնոյն էր, մենք չէինք կարող մօտենալ գերեզմանին, չէինք կարող նոյն իսկ մանիլ գերեզմանտան դուռը: Մենք հանդիսի պոչումն էինք:

Ամուսինս դեռ ապշած էր համակրանքի այդ աստիճան մեծութեան, որ տրուեց ազատութեան զինուորին—զաղա-

նային սպանութեան զոհին:

— Ոյժ, կրկնում էր նա, այն էլ ի՛նչպէս: Թող գաղափարի մի կայծ ընկնի նրա մէջ և նա խօղոյն կգառնայ անյաղժելի:

Էւ, կարծես քիչ վախեցած այդ խօսքերից, նա, դիմելով երեխաներին, աւելացրեց.

— Բայց պէտք է՝ դատողութիւնից զուրկ հօտ չդառնալ ու վազել դէպ այնտեղ, ուր վազում են ուրիշները, այն էլ միմիայն տոգորուելով, ցոյցեր անելու:

— Հայրիկ, խօսեց Վօլօզեան, այդպէս թաղում դեռ չե եղել: Դու ինքդ էլ ասում ես: Սյժմ խուլիզանները և «սև հարիւրեակ»-ները կզգան:

Մանեան ուզեց մի բան ասել ու յանկարծ բարձրացաւ աթոռից:

— Ձանգահարեցին, ես գնամ, բաց անեմ, մայրիկ:

Ես լսողութիւնս լարեցի: Ահա չեկաց փականքը: Դու ուր բացին:

— Ո՛վ կարող է լինել կիսաձայն ասաց ամուսինս:

Աղմուկն ինձ տարօրինակ թուաց: Բռնկուած յանկարծակի ձղայնութեամբ, ես էլ նոյնպէս վեր թռայ ու վազեցի դէպի հաշտը:

Սկզբում ես ոչինչ չհասկացայ: Կիսամութ նախասնետկուսն էի, որտեղ վառում էր պատից կախած փոքրիկ լամպան:

Մի ուսանող էր, բաց վէրքը գլխի վրայ, շապկի կուրծքը բոլորովին բաց: Երկու ընկերները՝ մէկը քաղաքացիական հագստում, միւսը պաշտօնական «տուժուրկայում» հէնց այդտեղ էլ դրել էին կահաւորակի վրայ:

Մանեան սարսափած նետուեց դէպի ինձ:

— Սպանել են, շշնջաց նա: Ամենքին սպանում են: Մայրիկ: Պէտք է նրան փրկել:

Ես կանչեցի ամուսնուս և Վօլօզեային: Վիրաւորուածին՝ չորս հոգով բերինք առանձնասենեակը և զրինք տաճկական, փափուկ կահաւորակին:

Ուսանողն ընկերներից մէկը գնաց բժշկի ետեւից: Միւսն՝ ինձ հետ միասին՝ սկսեց վերաւորուածին ուշքի բերել:

Ամուսինս, երեխաները, աղախինը օգնում էին մեզ:

— Մենք ուրիշ էլք չգտանք, բացի այն, որ բերինք ձեր տունը: Եւ նողկալի սարսափ: Մեր ներկայութեամբ, կատաղած սև հարիւրեակները բռնեցին մեր ընկերներից մէկին, ձմռեցին նրան, արորեցին ոտքի տակ, յետոյ սկսեցին աջ ու ձախ նետել ու զարկել քարոտ փողոցին և այդպէս՝ մինչև որ նա չգառաւ անձև զանգուած:

Նա զողում էր և դժուարութեամբ էր արտասանում բառերը:

Վիրաւոր ուսանողը աչքը բաց արաւ և սկսեց ապշած՝ չորս կողմը դիտել:

Մենք՝ որ և է կերպով փաթաթեցինք նրա գլուխը: Թրի հարուածը ձեղքել էր նրա գանգը՝ ձախ քոնքից փոքր ինչ վերև: Արիւնն արդէն կանդ էր առել: Բայց մի վէրք էլ դեռ վզի վրայ կար՝ ծոծրակին մօտ:

Նա նորից ընկաւ մոռացութեան մէջ: Մենք հեռացինք և մի անկիւնում, ձնշուած սրտով կանգնած, շշնջալով խօսում էինք:

— Ձեզ վրայ իրտեղ յարձակուեցին. հարցրեց Վօլօզեան՝ դժգունած, գրգռուած ու բարկացոտ դէմքով:

— Դարան, ստոր դարան: Մենք հանդարտ գնում էինք: Մինչևանգամ չէինք երգում: Մեր պահակներն առջևուսն էին: Չիմացանք, որտեղեց լսուեց հրացանի ձայն, սպասեղաց գնդակահարութիւն, այն էլ, ինչպէս այժմ ասում են, պաչկան երով, աւելացրեց նա հեզօրէն:

Մի բոլորովին երիտասարդ բժիշկ բերին: Նա յայտնեց, որ վէրքը շատ երկիւղալի է, սպառնում է ուղեղի բորբոքում: Ուղարկեցին փակ կառքի ետեւից: Երիտասարդներից մէկին բժիշկը թողեց իւր մօտ, խի մեզ խնդրեց դուրս գալ:

Մենք շարքով նստել էինք ընդունարանում ու լսում էինք:

Լսում էին վիրաւորի խեղտուած հեծկտանքները: Յետոյ կցկտուր դարձուածքներ ու բացականչութիւններ: Սկսուեց զառանցանքը:

Մանեան առաւ իմ ձեւը և մօտեցրեց դռանը: Մենք՝



երկուսս ընկել էինք նրա վրայ ու լսում էինք:

Անկարելի էր ջոկել այդ խօսքերն ու բացականչութիւնները, բայց հէնց մենակ ձայները հոգի էին հանում:

Եւ երբ զառանցանքը ընդհատում էր, վեշտն ինձ աւելի ծնշում էր, և ես ամբողջ էութեամբս դառել էի կարեկցութիւն:

— Նա կմեռնի՞, ասա, մայրիկ, նա կմեռնի՞. շշնշում էր Մանեան, ամբողջ մարմնով սարսափով:

Ես լռել էի: Ամուսինս և Վօլօդեան անկիւնում նստած՝ նոյնպէս լռել էին:

Եւ յանկարծ, կարծես թէ տեսիլք, աչքիս առաջ կանգնած մի պատկեր. իմ Վօլօդեային տրորում են ոտքի տակ, ձգում են դէպի վեր և ան դարկում է քարոտ փողոցին և այդպէս շարունակ՝ մինչև նա չի դառնում մի արիւնտ, անձև զանգուած:

Սարսափիցը ես սառայ:

ՀՀ Ազգային գրադարան



NL0315838

19

20

Գ Ի Ն Ն Է 20 Կ 0 Պ.

Յանկացողները պէտք է դիմեն

Թիֆլիզ՝ Գուտտեմբերգ գրափաճառանոց:

ԳԱՆՁԱԿ՝ Թարգմանողին՝ կամ Գարեգին
բահանայ Թումանյանցին:

Елисаветполь, Священнику

Теръ-Гарегину Туманьянцу.

